

# Maman!

## IDEIS PE LETURE



Progjet promovût di 'Il Friuli' e 'ARLeF'

D. Crapiz e D. Alessio, "Blanc d'apardUT", golaine "A ogni frUT il so librUT 3", Corvino Edizioni, 2018.

## ZÛCS

Cjate lis 6 diferencis tra la prime e la seconde imagjin di Bulo e po cerclilis.



## LIS AVENTURIS DI VIGJI E LUMI

### CJÂR DIARI,

vuê Daria e je dute in agjitazion cu la sô amie Erika: al somee che a sedin daûr a organizâ alc pai 31 di Dicembar. In cusine a àn preparât jentradis, prins e secnts di pes di fâ vignî la aghegole. Cemût fasio a savê



che al jere pes? Facil! O soi rivât adore a cerçâ dut intant che lôr dôs a son ladis fûr di cjase un moment. Par un pêl no mi àn brincât sul fat! Cumò Daria e je a pene tornade che e je stade li de estetiste par fâsi lis onglis rossis. Erika invezit, e je stade li de piruchiere: e je diventade dute **riçote**. In sumis, ducj a àn cetant entusiasim tal preparâsi pal ultin dal an. Propite ducj, ancje lui: Bulo. Trente kilos di cjan che si fâs meti la cjamesute e la golarine e che si lasse netâ cul aspiradôr, puarin lui. O ai sintût a dî che Daria e vûl quartâmi a srarî il pêl e a taiâmi lis sgrifis par jessi plu biel in chê sere. Lassaitmi in pàs us prei!  
Maman!  
Il to Vigji



## Tant par ridi

Doi amîs si cjatin fûr de buteghe dal paîs.

Un al domande a di chel altri: "Ce fasistu pes vacancis di Nadâl?"



E chel altri: "O voi in Cjargne a cjaval tra Dicembar e Zenâr!"; "Ah ce biel, jo invezit o larai a Vignesie, ma cu la barcje!"

## LU SAVEVISO CHE...?

In cualchi paîs de Cjargne, la gnot de vilie di Nadâl o dal an gnûf si veve la usance di scjaldâ intune fersorie,



dodis grignei di blave. Se i grignei si vierzevin ben e a diventavin taronts e sglonfs, al jere un segnâl di bon auguri pe racuelte dal an gnûf. Si varès vude

tante fortune! Se o fasès lis sioris la gnot dal ultin dal an, visaitsi di cheste tradizion cjargnele.

Maman! Une gnove stagjon cun tantis sorpresis! Us din apontament su

telefriuli



Vinars aes 5.45 sot sere

Pagjine curade di Daria Miani e dal Sportel Regionâl pe Lenghe Furlane de ARLeF

ARLeF  
AGJENZIE REGIONÂL PE LENGHE FURLANE